



Broj: 05/1-18-14943-1/22  
Tuzla, 22.06.2022. godine

Na osnovu člana 4. Odluke o utvrđivanju uslova i kriterija, načinu i postupku raspodjele novčanih sredstava za kapitalne transfere u oblasti turizma broj 02/1-18-12866/22 od 06.06.2022.godine, ministar trgovine, turizma i saobraćaja Tuzlanskog kantona raspisuje

## JAVNI POZIV za podnošenje prijava za sufinansiranje razvojnih projekata u turizmu na području Tuzlanskog kantona za 2022. godinu

### 1. PREDMET POZIVA

Predmet Javnog poziva je sufinansiranje projekata odnosno dodjela bespovratnih novčanih sredstava u cilju inoviranja postojećih i razvoja novih atraktivnih sadržaja turističke ponude kao i razvoja turističke infrastrukture i poticanje investicija u turizmu kako bismo ojačali konkurentnost turističkog sektora na području Tuzlanskog kantona. **Programom sufinansiranja razvojnih projekata u turizmu na području Tuzlanskog kantona za 2022. godinu** koje je pripremila Ministarstvo trgovine, turizma i saobraćaja Tuzlanskog kantona definisan je postupak upravljanja resursima i dodjele bespovratnih finansijskih sredstava iz Budžeta Tuzlanskog kantona. Program je izrađen u skladu sa strateškim ciljevima i prioritetima naznačenim u Strategiji razvoja Tuzlanskog kantona za period 2021.-2027.godina kao i nacrtom Strategije razvoja turizma Federacije Bosne i Hercegovine 2021.-2027.godina.

### 2. SVRHA DODJELE SREDSTAVA

Program će bespovratna finansijska sredstva dodjeljivati za sufinansiranje projekata čija su ulaganja usmjerena u podizanje kvaliteta turističko ugostiteljske usluge što će uticati na ispunjenje očekivanja posjetilaca i njihovu motivaciju da dođu na neku određenu destinaciju. Projekti treba da budu usmjereni na razvoj kako slijedi:

#### ➤ *Razvoj javne turističke infrastrukture*

U javnu turističku infrastrukturu spadaju projekti lokalnih zajednica i tijela, te javnih preduzeća radi jačanja konkurentnosti turističke destinacije:

1. sportsko-turistička infrastruktura,
2. turistički parkovi i izletišta
3. turističke rute i putevi,

4. infrastruktura za razvoj kulturnog turizma ( uređenje istorijsko-umjetničkih lokaliteta, spomenika, infrastruktura za festivale folkloru i slične događaje i ostalo)
5. infrastruktura za razvoj turizma u zaštićenim područjima,
6. projekti turističke e-infrastrukture (web virtualna prezentacija i promocija turističkih znamenitosti Tuzlanskog kantona).
7. i ostali projekti javne turističke infrastrukture koji se provode na područjima i dobrima koja su u javnom vlasništvu, kao i

➤ *Razvoj poslovne turističke infrastrukture* koja obuhvata: smještajne ugostiteljske objekte iz nadležnosti Ministarstva (hoteli, moteli sa dvije i tri zvjezdice), objekti u kojima se pružaju usluge u seoskom domaćinstvu, te ugostiteljski objekti iz skupina „restorani“, „barovi“, „catering objekti“ i „objekti jednostavnih usluga“ koji raspolažu sa dodatnim sadržajima za jačanje konkurentnosti, kao i dodatni turistički sadržaj kao što su: spa i wellness, sport i rekreacija, igraonice za djecu, kino sale, fitnes sale, sale za sastanke, parkiralište, animacija i ostalo

Bespovratna sredstva odobravati će se za sufinansiranje sljedećih aktivnosti u okviru projekta

- izgradnju,
- dogradnju,
- rekonstrukciju ili adaptaciju,
- uređenje i opremanje objekata javne i poslovne turističke infrastrukture.

Sve aktivnosti, uključujući građevinske radove, nabavku opreme, ugradnju opreme, nabavku mašina i isporuku radova **moraju biti završene u roku od 12 mjeseci od datuma potpisivanja ugovora**. Sve planirane investicije čiji predviđeni rok završetka prelazi ovaj rok će se smatrati neprihvatljivim i biće odbijene.

Investicijski projekti koji obuhvataju građevinske radove čija je realizacija u toku imaju pravo prijave na ovaj poziv, vodeći računa o iznad navedenom krajnjem roku za realizaciju te činjenici da će se svi **troškovi nastali prije potpisivanja ugovora smatrati neprihvatljivim**.

U određenim slučajevima se može desiti da je podnosilac prijave već započeo investiciju (na primjer izgradnja objekata), te se u takvim slučajevima mogu prikazati samo troškovi vezani za tu investiciju koji će nastati nakon potpisivanja ugovora sa Ministarstvom (fazna izgradnja). Podnosilac prijave ranije uložena sredstva ne može prikazivati kao vlastiti udio u sufinansiranju. U ovom slučaju (ukoliko se radi o faznoj izgradnji ili opremanju) da bi investicija bila prihvatljiva, njena realizacija mora rezultirati dobijanjem upotrebne dozvole, odnosno objekat/oprema **MORA** biti stavljen u funkciju.

#### PRIHVATLJIVOST TROŠKOVA

Sredstva podrške ne mogu se koristiti za:

- Troškove redovnog poslovanja podnosioca zahtjeva za podršku (plaće i ostala primanja zaposlenih, troškove prijevoza i putovanja, studijska putovanja, pokriće gubitaka, poreze i doprinose, kamate na kredite, carinske i uvozne takse ili bilo koje druge naknade) i dr.
- Najam i kupovinu vozila,
- Adaptaciju dijelova objekata koji će se isključivo koristiti za ličnu upotrebu, a ne u turističke komercijalne svrhe;
- Kupovina građevinskog zemljišta i već postojećih zgrada i objekata;
- Kupovina objekata za najam ili prodaju;

- Za sve druge troškove koji nisu vezani za realizaciju kandidiranog projekta i ciljeve programa

Podnosilac prijave će biti dužan pravdati trošak ukupnih sredstava predviđenih za realizaciju prijedloga projekta, kako vlastitih, tako i bespovratnih sredstava.

Da bi investicije i troškovi bili prihvatljivi potrebno je da budu:

- neophodni za implementaciju predloženog projekta;
- realni i predviđeni budžetom;
- opravdani i mjerljivi; i
- nastali nakon potpisivanja ugovora sa korisnicima i tokom implementacije projekta.

### 3. PRAVO UČEŠĆA

Potencijalni podnosioci prijave su :

- Preduzeća koja su registrovana i bave se turističko-ugostiteljskom djelatnošću
- Obrti i samostalni poduzetnici koji su registrovani i bave se turističko-ugostiteljskom djelatnošću
- Nevladine/neprofitne organizacije, turističke zajednice i udruženja sa iskustvom u vođenju razvojnih projekata iz sektora turizma

(1) Na osnovu ovog Programa, podnosilac prijave može dobiti bespovratna finansijska sredstva samo za jedan projekt.

Pravo učešća po ovom Javnom pozivu i dodijelu finansijske pomoći ima korisnik koji ispunjava slijedeće kumulativne uslove:

- a) da ima registrirano sjedište ili poslovnu jedinicu na teritoriji Tuzlanskog kantona,
- c) da je izmirio obaveze po osnovu direktnih poreza i doprinosa po svakom zaposleniku, zaključno sa 30. aprila 2022.godine.

### 4. PODNOŠENJE PRIJAVE

Prijavu podnose korisnici koji ispunjavaju prethodno navedene kriterije za pravo učešća.

Privredni subjekti koji se prijavljuju na ovaj Javni poziv obavezni su dostaviti zahtjev i dokumentaciju propisanu ovim Javnim pozivom.

#### 4.1. ZAHTJEV

Prijava se podnosi dostavljanjem propisanog obrasca Zahtjeva za prijavu na Javni poziv za sufinansiranje projekata razvoja turizma na području Tuzlanskog kantona koji se može preuzeti na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba>, odnosno Vlade Tuzlanskog kantona: <http://vladatk.kim.ba> i sastavni dio je ovog Javnog poziva. Podnosilac prijave obavezno popunjava sve rubrike u zahtjevu i isti ovjerava potpisom ovlaštenog lica i pečatom privrednog subjekta.

#### 4.2. DOKUMENTACIJA

Korisnik uz popunjeni zahtjev za dodjelu pomoći dostavlja i slijedeću dokumentaciju:

- *Rješenje o registraciji privrednog subjekta*

- za pravna lica to je kopija Rješenja iz sudskog registra (ukoliko pravno lice obavlja ugostiteljsku djelatnost preko poslovnih jedinica, i za iste podnosi zahtjev, sve moraju biti navedene u izvodu iz sudskog registra),
- za fizička lica to je Rješenje kojim se odobrava rad fizičkom licu izdato od strane nadležnog općinskog/gradskog organa,
- za nevladine/neprofitne organizacije i udruženja to je Rješenje o registraciji iz kojeg se vidi opis djelatnosti i aktivnosti
- za turističku zajednicu to je Rješenje o dozvoli upisa
- **Uvjerenje o poreznoj registraciji kod Porezne uprave FBiH – ID broj,**
- **Rješenje o ispunjavanju minimalnih uvjeta postojećih ugostiteljskog objekta i uvjeta za kategorizaciju:**
  - za ugostiteljske objekte kojima je propisana obavezna kategorizacija, a to su ugostiteljski objekti za smještaj, podnosi se Rješenje kojim su utvrđeni minimalni uvjeti i uvjeti za kategoriju, a izdato od strane, Ministarstva trgovine, turizma i saobraćaja TK ili nadležnog općinskog/gradskog organa, u zavisnosti od vrste i kategorije ugostiteljskog objekta za smještaj,
  - za sve druge vrste ugostiteljskih objekata to je Rješenje o minimalnim uslovima izdato od strane nadležnog općinskog/gradskog organa,
- **Dokaz o urednom ispunjavanju obaveze plaćanja poreza i doprinosa**
- Dokaz da se protiv podnosioca prijave, odnosno lica ovlaštenih za zastupanje i voditelja projekta, ne vodi krivičan postupak i nije pravosnažno osuđen za prekršaj i/ili počinjenje krivičnog djela
- Za podnosiocce prijave koji su neprofitne organizacije dokaz da posjeduju odgovarajuće organizacione kapacitete i ljudske resurse za provođenje projekata po ovom programu ( npr. izjava o posjedovanju kancelarije, računarske i druge opreme, biografije zaposlenih koji će raditi na projektu i sl. )
- Obrazac prijave za dodjelu bespovratnih finansijskih sredstava koji uključuje obrazac za opis i obrazac za budžet projekta sa traženim elementima (ukoliko je budžet izrađen na osnovu ponuda, potrebno je uz budžet dostaviti i ponude),- ispunjen, potpisan, ovjeren i u cijelosti popunjen isključivo na računaru
- Vremenski plan realizacije predloženih aktivnosti i finansiranja,
- **Ugovor sa bankom o otvaranju transakcijskog računa na koja će se doznačiti odobrena sredstva.**
- Potpisana izjava o namjeri vlastitog sufinansiranja,
- Izjava o nepostojanju dvostrukog finansiranja,
- Izjava o korištenim podrškama male vrijednosti,
- Foto dokumentacija trenutnog stanja prijavljenog projekta,
- Dokaz da je projekt prihvaćen od strane jedinice lokalne samouprave ili izjavu odgovorne osobe da će njegovo održavanje biti uvršteno u Budžet – za javnu turističku infrastrukturu,
- Ukoliko je projekt sufinansiran iz drugih izvora (ili prijavljen) dokaz o sufinansiranju (prijavi),
- **Dokazi o vlasničkom ili drugom stvarno-pravnom statusu prema objektu ili području realizacije projekta, odnosno kopije ZK izvadaka svih katastarskih čestica iz obuhvata projekta (ne starije od 30 dana).** Ako objekt ili područje realizacije projekta nisu u 100% vlasništvu prijavitelja prilaže se ovjerena izjava da su vlasnici/suvlasnici saglasni s provedbom projekta i/ili dokaz o pravu raspolaganja tim zemljištem (ugovor o zakupu ili koncesiji, sporazum o zamjeni zemljišta, punomoć, rješenje ili dr.),

- **Tehnička dokumentacija o projektu (detaljan predmjer građevinskih i zanatskih radova), izrađena i ovjerena od ovlaštenog inženjera (na CD-u, DVD-u ili USB stičku),**
- **Uvjerenje nadležnog tijela o usklađenosti zahvata projekta s važećom prostorno-planskom dokumentacijom (ne starije od 60 dana)**
- **Urbanističku ili građevinsku dozvolu za projekte koji su u fazi realizacije ili imaju projektну dokumentaciju, odnosno potvrdu nadležnog tijela da za navedene aktivnosti nije potrebno ishoditi građevnu dozvolu za projekte**
- **Ako se prijavljuje nabava opreme, prilažu se odgovarajuće ponude dobavljača s tehničkim opisom opreme koja se nabavlja (uključujući dimenzije i broj komada koji se nabavljaju)**

**NAPOMENA: Dokumentacija mora biti original ili ovjerena kopija od strane nadležnog organa i ne može biti starija od 60 dana.**

## **5. SREDSTAVA ZA DODJELU**

**Ukupna raspoloživa finansijska sredstva u okviru ovog Programa iznose 600.000,00KM. Bespovratna sredstva će se dodjeljivati u okviru dvije oblasti:**

1. **Oblast javne turističke infrastrukture** gdje ukupna raspoloživa finansijska sredstva iznose 100.000,00KM
2. **Oblast poslovne turističke infrastrukture** gdje ukupna raspoloživa finansijska sredstva iznose 500.000,00KM

Bespovratna sredstva dodijeljena po jednoj prijavi mogu iznositi od **minimalno 10.000,00KM do maksimalno 50.000,00KM.**

Za svaki predloženi projekat nosilac prijave **mora obezbjediti sufinansiranje u iznosu od 50%** od ukupnog iznosa predložene investicije/intervencije.

Ukupni budžet prijedloga projekta, uključujući i sufinansiranje podnosioca prijave, ne može biti manji od 20.000,00KM.

Program zadržava pravo da preraspodijeli sredstva između gore navedenih oblasti 1 i 2, u slučaju da u okviru jedne oblasti ne bude dovoljno kvalitetnih prijava.

Program zadržava pravo da ne raspodijeli sva raspoloživa sredstva, u slučaju da kvalitet projektnih prijedloga ne bude zadovoljavajući i da ne ispunjavaju sve definirane kriterije.

U okviru Programa prihvatljive su prijave za projekte koji će se realizovati na području Tuzlanskog kantona.

## **6. IZBOR KORISNIKA I PRAVNA ZAŠTITA**

Pregled prijava i dokumentacije, obradu i kontrolu podataka, te ocjenu o ispunjavanju uslova vršit će **stručna lica imenovana rješenjem ministra** Ministarstva trgovine, turizma i saobraćaja Tuzlanskog kantona.

Ministarstvo trgovine, turizma i saobraćaja Tuzlanskog kantona **može, u toku provođenja postupka, pribavljati podatke od nadležnih inspeksijskih i drugih organa, odnosno od korisnika tražiti dodatna pojašnjenja, izjave i druge dokumente od značaja za pravilno rješavanje po prijavi.**

Ministarstvo trgovine, turizma i saobraćaja Tuzlanskog kantona će **objaviti preliminarnu listu odabranih korisnika koji ispunjavaju uslove Javnog poziva, kao i Listu korisnika koji ne ispunjavaju uslove**, a iste objavljuje na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladatk.kim.ba> .

Korisnik koji smatra da je njegovo pravo povrijeđeno u postupku izbora korisnika sredstava **može uložiti prigovor Ministarstvu trgovine, turizma i saobraćaja Tuzlanskog kantona, u roku od 5 (pet) dana** od dana objave listi. Ministar Ministarstva trgovine, turizma i saobraćaja TK rješava po prigovoru najkasnije u roku od 5 (pet) dana od dana podnošenja prigovora korisnika.

Po isteku roka za prigovor na preliminarnu listu i nakon rješavanja prigovora, ministar **donosi Odluku o utvrđivanju konačne liste o odobravanju finansijskih sredstava korisnicima sa iznosima i namjenom.**

Konačna lista će biti objavljena na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladatk.kim.ba> .

U roku od 15 dana od dana donošenja Odluke o utvrđivanju konačne liste, ministarstvo **zaključuje ugovore sa odabranim korisnicima**, kojim će regulisati međusobna prava, obaveze i odgovornosti.

## **7. ROK ZA DOSTAVLJANJE PRIJAVA**

Rok za dostavljanje prijava je **30 (trideset) dana** od dana objave ovog Javnog poziva. Javni poziv će biti objavljen na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladatk.kim.ba/> .

Nepotpune i neblagovremene prijave na ovaj Javni poziv neće se uzeti u razmatranje.

## **8. MJESTO I NAČIN PODNOŠENJA PRIJAVA**

Prijave se podnose Ministarstvu trgovine, turizma i saobraćaja Tuzlanskog kantona u zatvorenoj koverti, preporučeno putem pošte na adresu:

**Ministarstvo trgovine, turizma i saobraćaja Tuzlanskog kantona,  
Mije Keroševića 20  
75000 Tuzla,**

ili lično na centralnu pisarnicu Vlade Tuzlanskog kantona u zgradi Tehnograd Company, u ulici Fra Grge Martića br.8 (preko puta Srednje medicinske škole) u Tuzli.

Na zatvorenoj koverti obavezno je navesti:

**Ne otvarati - Prijava na Javni poziv za podnošenje prijava za sufinansiranje razvojnih infrastrukturnih projekata u turizmu na području Tuzlanskog kantona za 2022. godinu**

Na poleđini zatvorene koverti obavezno je navesti **naziv i adresu i kontakt telefon podnosioca prijave.**

## 9. OSTALE ODREDBE

Ministarstvo trgovine, turizma i saobraćaja Tuzlanskog kantona ne snosi nikakve troškove podnosiocu prijave u pripremi i dostavljanju prijave po ovom Javnom pozivu. Prijava (dostavljeni zahtjev i dokumentacija) po ovom Javnom pozivu **ne vraća se podnosiocu prijave.**

Sva dodatna pitanja u vezi ovog Javnog poziva mogu se postaviti svakim radnim danima u terminima od 12 do 14 sati na jedan od slijedećih brojeva telefona 035/ 369 486 i 035/369 418.

